



MĀLŌ O SAMOA

NŪMERA Ā'OGA

SU'EGA ĀOĀO TAUSAGA 10 A SĀMOA

GAGANA SĀMOA 2023

PEPA FESILI ma TALI

Taimi Fa'atūlagaina: 3 Itūla & 10 Minute

FA'ATONUGA

1. E 10 minute e faitau ai ae le'i amataina ona tusi au tali.
2. Tusi lau Nūmera Ā'oga (SEN) i le avanoa o lo'o i le tulimanu taumatau pito i luga o le itūlau lenei.
3. **Tali uma fesili.** Tusi tali i avanoa o lo'o i totonu o lenei Pepa.
4. Afai e te mana'omia nisi pepa mo tali, ona fesili lea. Tusi lau Nūmera A'oga (SEN) i pepa fa'aopoopo uma ma tusi manino ai ma nūmera o fesili. Fa'apipi'i uma pepa fa'aopoopo i le vāega o lo'o iai fesili na taliina.

ALAFUA MO MATA'UPU 'AO'AOINA		Itūlau	Taimi (min)	Togi
ĀLĀFUA AUTU 1	GAGANA Gagana ma Vāega o le Gagana Ituaiga Gagana ma Tusitusiga Gagana Fa'amauiina, Alafa'asalalau ma Faitauga Fa'asāmoa	2 – 12	90	50
ĀLĀFUA AUTU 2	AGANU'U Aiga, Saofa'iga ma Fa'alavelave Taligāmālō, Gasesega, Faiva ma Fa'atufugaga Tagata Ta'uta'ua, Faigāmālō, Sāmoa ma Fa'afanua	13 – 21	90	50
AOFAI'GA			180	100

Siaki lau Pepa po'o atoa itūlau mai le 2 – 22 ma e le'o iai se itulau e leai ni lomiga.

TU'U LE PEPA LENEI I LE FAISU'EGA PE'Ā MAE'A LE SU'EGA.

FA'ATONUAGA: Filifili le tali aupito sa'o ona tusi lea o le mata'itusi o le tali sa'o i totonu o le tama'i pusa ua saunia mo le fesili 1.
Tusi au tali i avanoa ua saunia mo Fesili 2 i le 4.

1. E fia vaueli o le Pi Faitau o le Gagana Sāmoa?

- A. 9
- E. 5
- I. 12
- O. 22

Tomai 'Ausia 1

2. Fa'amatala mai le ese'esega o le fa'aaogāina o le Gagana 'T' ma le Gagana 'K'.

Tomai 'Ausia 2

3. Fa'amatala au'ililili le tulaga o le suinauna i totonu o le fuai'upu.

Tomai 'Ausia 2

FA'ATONUGA: **Faitau manino le PESE ua tu'uina atu i lalo ona tali lea o fesili 5 i le 15.**
Filifili le tali aupito sa'o ona tusi lea o le mata'itusi o le tali sa'o i totonu o le tama'i pusa
ua saunia mo Fesili 5 i le 8.

Le mavaega e a Tavita ma Ionatana
 Auē loto e ua nutimomoia
 Ua fa'apena oe le manamea
 Oi talofa o le'ā tete'a
 O lo'u fatu e ua ta'e
 E vaivai ai le tino
 O le uo moni
 Aue o le'ā lilo

Ia malie lou finagalo i la'u fa'atali
 Ua lumafale i moana ae tua i le papa
 E le avatu o ni masei ae tu'u ni lelei
 Pei o le upu ua naumati o le nu'u nei
 O nai a'u upu ta'utino
 O faiva o Fiti ia lilito
 E magalo mea uma
 I lo ta so'otino

Aumai o Mesepe ta mavae ai
 Auē le loto e ua liu suavai
 O lau teu fa'aaloalo o lenei ua i lo'u fatu
 O le ma'a salafa ua e tu'u ai a'u
 Malie le papa i Ta'ū
 Ma le faga i Lalau
 Le papa i Galagala
 O le togāfau e, faitala

La'u lupe o le a e sola
 Ma fa'aifo ane i le fafā
 O le'ā e talafulu i le ana
 Na moe ai o le tama
 A iai ni ou alofa
 Tu mai i le Pasopoia
 Liai mai ai lou solosolo e, tofa.

Fatupese: Afioga Toleafoa Talitimu

5. **O lo’o manino mai i upu o le fātuga o lo’o i luga le māfua’aga na tusia ai le pese.**

Ta’u mai le māfua’aga tonu na tūsia ai le pese o lo’o i le itulau 4.

- A. O le so’o a nu’u e lua o le a valavala ma tete’a.
- E. O le māfutaga a le tama ma le teine o lo’o tau amata.
- I. O le feiloaiga a ni nu’u se lua i le ulua’i aso o le mafutaga.
- O. O le faigauō a ni kolisi se lua ua o’sia.

Tomai Ausia 1

6. **Fuaiupu 2 laina 1,2,3 ma le 4.**

O laina ia o le pese, o le fa’ata’ita’iga lelei lea o le Gagana _____.

- A. Valiata
- E. Fa’aāloālo
- I. Fa’auigalua
- O. Fa’afitifiti

Tomai Ausia 1

7. **Fuaiupu 1, laina 5,6,7 ma le 8.**

O upu ia e mafai fo’i ona fa’alogoina ma fa’aāogaina i le taimi o _____.

- A. le fa’ae’eina o se suafa matai
- E. le sauniga o le maliu
- I. le umusāina o se maota fou
- O. le fa’afailelegātama

Tomai Ausia 1

8. **Aumai o Mesepe ta mavae ai.**

Ta’u mai le numera o le Gagana o lo’o iai le fuaiupu o lo’o i luga.

- A. O le numera segila.
- E. O le numera pelulale.
- I. O le numera tele.
- O. O le numera tuale.

Tomai Ausia 1

FA'ATONUGA: Faitau manino fa'atonuga ona tusi lea o lau tali i avanoa ua saunia.

Fuaiupu 3, laina 4.

“O le ma’a salafa ua e tu’u ai a’u”

9. Fa’amatala manino le fa’auīgaga o lea fa’aupuga pei ona fa’aaoga ai i le pese.

Tomai 'Ausia 2

Fuaiupu 3, laina 3.

“O lau teu fa’aaloalo lenei ua i lo’u fatu”

10. Toe tusi mai e oe le fuaiupu lea i le pelulale.

Tomai 'Ausia 2

Auili’ili lelei itūaiga gagana o le Gagana Sāmoa o lo’o i totonu o le pese.

11. Tusi mai se **itūaiga gagana** o le **Gagana Samoa** ma **aumai** se fa’ata’ita’iga i totonu o le pese.

Tomai 'Ausia 2

Fuaiupu 1, laina 8.

“ ‘Auē ‘ole’ā lilo.”

12. Silasila lelei i le fa’aaogāina o fa’ailoga.
Fa’ailoa mai fa’ailoga pei ona fa’aaoga i le fuaiupu ma ta’u mai uiga o ia fa’ailoga.

Tomai ‘Ausia 2

Fuaiupu 3, laina 5,6,7 ma le 8.

“Malie le papa i Ta’ū

Ma le faga i Lalau

Le papa i Galagala

O le togafau e, faitala.”

13. Fa’auiga mai e oe i lona uiga faigofie fa’aupuga ua tusia atu i luga.

Tomai ‘Ausia 3

14. Toe fa'amanino lelei mai e oe i se fuaiupu, upu o le mavaega i le Tulāfasā.

Tomai 'Ausia 3

15. Iloilo toto'a mai le auga o le pese atoa.

Tomai 'Ausia 4

FA’ATONUGA: Faitau manino fesili ia malamalama ona tali lea o fesili 16 i le 22.
Tusi au tali i avanoa ua saunia.

16. Tusi mai se fa’ata’ita’iga se tasi o ala fa’asalalau o aso nei.

Tomai ‘Ausia 1

17. Lisi mai ni auala fa’asalalau fa’aleaganu’u se lua (2) a Samoa.

Tomai ‘Ausia 2

18. Ta’u mai ni tagata se to’alua e ave iai fa’aupuga ua tūsia atu i lalo.

“Susū mai lau susuga i lou ava lea.”

“afio mai lau afioga i lou ava lea.”

Tomai ‘Ausia 2

19. Auili’ili lelei mai le faitauga o mea’ai Sāmoa ua tūsia atu i lalo.

I. 17 i’a moto _____

II. 22 talo mata _____

III. 19 lupe _____

Tomai ‘Ausia 3

E ta le 12 i le aoauli, ae o'o ane loa le savaliga a le faifeau i luma o lo outou fale. O le taimi lea o lo'o a'ai lo outou aiga, ona fa'atonu lea o oe e lou tamā e te alu e vala'au le faifeau e sau e fai sana mea'ai.

20. Tusi mai lau fa'aafe o le a fai i le faifeau ina ia mālōlō atu e tali le sua.

Tomai 'Ausia 3

GAGANA FA'AMAUIA:

- Filifili se **Tala Pu'upu'u** po'o se **Tala Moni**, po'o se **Tala Fatu** na e su'esu'eina e tali mai ai le vāega lenei.
- Fa'aaogā na'o tala o lo'o fa'amauiina i le Fa'asinoala.
- A tusi lau tali, ia aofia ma manino vāega nei;
 - Fa'amatala auili'ili manatu autū o le tali.
 - Fa'amalamalama lelei manatu o le tali e ala i pinefa'amaui ma mausi'i mai le tala.

FESILI:

21. Fa'amatala manino ni **aogā o ni feau se lua** na e maua mai le tala sa e su'esu'eina,

MA

22. Auili'ili manino mai ni **lu'itau se lua** na e maua mai i lea tala.

Mo le Togipepa

Fesili	21	22
Tomai 'Ausia	4	4

FA’ATONUAGA: Fili le tali aupito sa’o ona tusi lea o le mata’itusi o le tali sa’o i totonu o le tama’i pusa ua saunia mo Fesili 23 ma le 24.

23. Ta’u mai le uiga o le fuiupu **“Suli moni o le aiga.”**

- A. Suli tau toto, ivi ma a’ano o le aiga.
- E. Suli maupaolo o le aiga.
- I. Suli tau i le fusiga ma le fisiga.
- O. Suli Tupea o le aiga.

Tomai Ausia 1

24. Fa’ailoa mai le saofaiga e faia tulafono aua le nofo lelei o nu’u ma alalafaga ta’itasi.

- A. Saofaiga a Taulele’a.
- E. Saofaiga a Tama’ita’i.
- I. Saofaiga a Faiavā ma Nofotane.
- O. Saofaiga a Matai.

Tomai Ausia 1

FA’ATONUAGA: Fa’aaoga avanoa ua tu’uina atu e tusi ai tali o fesili 25 i le 28.

25. Fa’amatala manino le uiga o le upu **vātapuia**.

Tomai ‘Ausia 2

26. Lisi mai ni **tulafono se lua** o lo’o fa’aaogāina i **totonu o faigānu’u**.

Tomai 'Ausia 2

27. Fa’amatala auili’ili **matāfaioi** se tolu (3) e nafa tonu ma le **saofa’iga a matai**.

Tomai 'Ausia 3

28. Iloilo lelei ma fa’amālamalama mai **aogā o fa’asalaga** fa’asāmoa mo lē na **solitapu**.

Tomai 'Ausia 4

FA’ATONUAGA: Fili le tali aupito sa’o ona tusi lea o le mata’itusi o le tali sa’o i totonu o le tama’i pusa ua saunia mo Fesili 29 ma le 30.

A mae’a ona fa’avela le pua’a ona pena lea ma tufatufa i tagata.

29. O le ā le vaega o le pua’a e ave ma le faifeau po’o le tamāli’i tāua o le nu’u?

- A. Vae ma le no’o.
- E. O le tualā o le pua’a.
- I. O le tia o le pua’a.
- O. O le nofoi o le pua’a.

Tomai Ausia 1

30. O le muniao, o le vāega o le meafaigaluega e fa’aaogā e le tagata _____.

- A. tuli pua’a aivao
- E. tuliatu
- I. seulupe
- O. tiumalie

Tomai Ausia 1

FA’ATONUAGA: Fa’aaoga avanoa ua saunia e tusi ai au tali o fesili 31 i le 36.

31. Tusi mai ni vaogagana se lua e maua mai i le fa’atufugaga o le faugāfale.

Tomai ‘Ausia 2

“E motu le ula, motu le fau, ae e te alu ma le tatau i le tu’ugamau.”

32. Fa’amatala mai le uiga o le alā’gaupu o le tågātatau o lo’o tūsia i luga.

Tomai ‘Ausia 2

33. Fa’amatala manino mai le **faiga o le vaisalo**. Fa’asolo mai i le amataga seia mae’a lelei.

Tomai ‘Ausia 3

34. Fa’amatala manino mai le uiga o le fa’aupuga **“mafūa e a’ai ai lupe”**

Tomai ‘Ausia 3

35. Auili'ili lelei mai le fa'atinoga o le aganu'u lenei o le **Aiavā**.

Tomai 'Ausia 4

36. Tusi mai sau folasaga e fa'aaogā ai ni alagāupu se lua na maua mai i faiva o le sami.

Tomai 'Ausia 4

FA'ATONUAGA: Fili le tali aupito sa'o ona tusi lea o le mata'itusi o le tali sa'o i totonu o le tama'i pusa ua saunia mo Fesili 37 ma le 38.

“Ua atoa tino o le tama na moe i le ana”

37. Fa'ailoa mai le tala o toa ta'uta'ua o Sāmoa anamua e maua ai le alagāupu o lo'o tūsia i luga.

- A. Tala ia Pili na uluai tofotofia Sāmoa.
- E. Tala ia Vaea ma Apaula.
- I. Tala ia Leatiogie ma lona tua'a o Fe'epō.
- O. Tala i mea a le lagi na ifo ia Funefeai.

Tomai Ausia 1

38. O le a se **pinefa'amau** po'o se **lagisoifua** o le tala iā **Vaea ma Apaula** o lo'o va'aia pea i le taimi nei?

- A. O le ana o Va'atausili.
- E. Loimata o Apa'ula.
- I. O le mauga o Vaea.
- O. E sa'o uma tali o lo'o i le A,E ma le I.

Tomai Ausia 1

FA'ATONUAGA: Fa'aaoga avanoa ua saunia e tusi ai tali o fesili 39 i le 43.

39. Lisi mai ni **motu lē ainā se lua** o motu o Sāmoa.

Tomai 'Ausia 2

40. Tusi mai fa'alupega o Upolu ma Savai'i.

Tomai 'Ausia 2

“E sau Apa’ula ua tautua”

41. Toe tusi mai e oe le alagā’upu o lo’o i luga i au lava upu ma fa’amanino lelei mai lona uiga.

Tomai ‘Ausia 3

42. Fa’aaogā ni alagā’upu na maua mai i tala o tagata ta’uta’ua a Sāmoa anamua e fausia ai sau lauga pu’upu’u.

Ia lē sili atu ma le tolu (3) alagā’upu e te fa’aaogāina.
Pule oe i le ituaiga o lauga e agai iai ou manatu.

Tomai ‘Ausia 4

43. Auili'ili lelei mai tōfiga a Pili na fai i lana fānau na āfua ai le ulua'i vaevaega o le motu o Upolu ma le Aiga i le Tai.

Tomai 'Ausia 4

NŪMERA Ā'OGA									

SNJSC GAGANA SĀMOA

2023

(Mō le Togipepa)

ĀLĀFUA		TOGI	TOGI 'AUSIA	TOGI AOFA'I	SIAKI AED
ĀLĀFUA AUTU 1	GAGANA Gagana ma Vāega o le Gagana Ituaiga Gagana ma Tusitusiga Gagana Fa'amauina, Alafa'asalalau ma Faitauga Fa'asāmoa	50			
ĀLĀFUA AUTU 2	AGANU'U Aiga, Saofa'iga ma Fa'alavelave Taligāmālō, Gasesega, Faiva ma Fa'atufugaga Tagata Ta'uta'ua, Faigāmālō, Samoa ma Fa'afanua	50			
AOFA'IGA		100			